

Dia 21 di augustus na Centro di Bario Playa Pabao

Asociacion di Musico y Artistanan Arubano (AMAA) ta tene reunion di informacion pa tur artista Arubano

DIRECTIVA di Asociacion di Musico y Artista Arubano (AMAA) ta invita tur artista pa bin cera conoci cu e asociacion nobo di y pa tur artista Arubano.

Den e reunion aki lo presenta e miembronan di directiva di AMAA, lo tin oportunidad pa haya informacion over di meta, organisacion y historia di AMAA y naturalmente lo tin oportunidad pa bira miembro di AMAA. Tur artista Arubano cu tin 18 aña of mas por bira miembro.

Miembrecia ta habri tambe pa entidadnan huridico (fundacion of asociacion) cu ta activo riba un of mas tereno di arte. Managernan y techniconan cu no ta alabes artista tambe por bira miembro di AMAA.

Por bira miembro dor di yena e formulario di inscripcion y paga e contribucion.

Esaki por sosode sea en efectivo of dor di deposita e contribucion riba cuenta 63732509 na CMB na nomber di AMAA, Seroe Biento 18, Santa Cruz.

Hunto cu e formulario di inscripcion mester entrega (copia di) prueba di pago.

Contribucion ta Awg. 10,00 pa luna cu mester wordo paga den un solo biaha (Awg. 120,00) of den dos cota di Awg. 60,00.

E reunion lo tuma luga diadomingo dia 21 di augustus 2016 na Centro di Bario Playa Pabao di 9.00am – 12.00pm. Artistanan Arubano ban uni. Union ta haci forza.